

歷代山陵攷

東方學會印

繫惟物化滋蕃芴焉子有陰陽代謝樂哉斯已三仞成墟嗟長
年之靡執一抔如許感聖詰之俱休巨人之跡已虛誰羨虹流
華渚荆山之銅可採不禁龍去鼎湖黃河流水湯湯侵濟陽之
尺阜秦望高山邈邈迷大越之畝宮白楸自爾空談黃金將爲
失寶孟津之血珠玉同燔驪山之烽縑繒共裂牙生水濺囓鐵
墓于胡公編起地藏發周書于汲冢丹鳥集蒼梧之野目斷九
疑水銀溢虎阜之池身懷一劍珠襦玉匣疇堪取槨銷銅銀海
金鳧莫禁尋羊漏火多金多玉萬年未穩藍田若坊若堂七尺
同歸馬鬣楚騷秦鹿方勤疾足之思魏雀晉駝忽起棘荆之嘆
八百餘年長曆岐周之轍久淹二十四帝興王關洛之塵盡掃
鱗施安在羽蓋空搖週遭五百餘合四瀆九州沙已射墻之
壁設疑七十二識寸心千載西陵無望墓之田屬茨倚廬潛闢
長餘蛤炭縮鬯蕭艾黃墟久寂嘉疏漢寢唐陵何來麥飯吳宮
楚苑向屬苔蕪夷陵土黑飛煙孰云已隴宮闕腥膻點穢敢問
家園粉骨埋香可惜馬嵬魂杳冰天灑淚猶驚五國塵遙石火
分明詎知生滅蕉鹿似是罔識睡醒鐵戟磨新零落尙須漁父

得寶釵耕出夜遊常見玉鈎斜瓦器何必增加土藏要歸速朽
赤眉巢賊技擅椎埋摩頂胡僧能爲飲器大塊幾多藏骨莫增
尺寸之高太虛一點浮雲盡屬須臾之感墓木成拱胡來供給
樵薪牛馬爲群是處追求牧豎高山避流水居人指點還疑青
草染胡雲畫影模糊孰辨愴懷西靡寄慨東陵秋草埋藏原上
麒麟高臥城闌依舊遼東白鶴空歸暮雨落花常伴啼鳥生點
滴白楊衰草但看窟兔任縱橫姿肉美夫容總似湘陵瑟斷顏
行分翠黛還歸巫岫雲深蝶白鵲紅何處獨留前度夢碑殘碣
斷無端輒起路人悲甚則一代人皇富貴不留于窮土如彼幾
朝事業聰明悉化爲塵埃感時撫膺吊古腸斷無窮之宇宙憑
大化以推移通昔之覩聞屬後生之掌記茲者蒐羅志乘存墨
跡于依稀旁述地靈載人叢于簡冊一篇可攷百代如存淤壤
玄霜平子起愀然之問春水素骨蒙莊有殊難之言古來天下
是誰家底事無多樹千秋之榜樣世界于今垂一統神人有主
輦萬載之河山賜進士浙省觀察使前水衡郎五奉勅守巡督
學黎陽王在晉纂述

歷代山陵考

北京

順天府

燕昭王冢

玉田無終山古漁陽北

遼章宗陵

三河縣北五十五里金太祖陵

世宗陵

俱在房山縣西二十里三峯山下金宣宗陵

章宗陵 俱在房山縣

西大房山東北

保定府

顓頊陵

高陽界慶都陵慶都堯始封之地母葬此

宋三陵 府城東宋僖祖欽陵順

祖慶陵翼祖安陵

河間府

盤古墓

青縣南七里河間獻王墓 獻縣漢景帝子

真定府

唐祖陵

隆平縣南十五里唐元和十三代祖宣皇帝葬此 隋義寧初塚上嘗有五色瑞氣

高祖啓運號曰建初陵趙王塚 獲鹿縣城東塚大者六小者三十二相傳爲戰國趙王墓

趙武靈王墓

平山載廣輿記又一統志在滄州舊城東中山靖王塚 定州高丈餘

尉陀先塚 舊石邑城北十三里陀郡人漢初爲龍川令後僭稱南越王文帝爲陀先人置守塚復使陸賈賜陀書陀遂稱臣
孟嘗君墓 元氏縣西十五里岡上

順德府

石勒墓 邢臺縣西十五里號高平陵

廣平府

英陵 清河縣東三十里漢章帝子清河孝王慶初立爲太子後廢爲王其子祐爲安帝
甘陵塚 漢安帝母甘陵氏葬于清河縣東北角因名甘陵郡
趙惠文王墓 與孝成悼襄二王墓俱在邯鄲縣西北二十里俗號三陵

大名府

顓頊陵 帝譽陵 俱在滑縣東北七十里
殷中宗陵 內黃縣南三十里
趙宣子冢 善化山南

永平府

孤竹三塚 府城西北雙子山有長君之塚團子山有次君之塚馬鞭山有少君之塚傳曰國人立其中子次君也
公孫塚 赤峯嶺及道南峯火山有公孫神康墓漢末公孫度據平州傳子康豈其所葬與

南京

應天府

吳大帝陵

鍾山南八里葬吳主孫權舊名孫陵亭有廟在清涼寺之西 晉十一帝

陵

俱上元縣境內惟安帝起墳餘皆不可辨廣輿記載晉元陵雞鳴山之陽

宋帝陵武

帝葬初寧陵文帝葬長寧陵俱在蔣山世祖孝武帝葬景寧陵在上元縣南巖山之陽陳高

祖陵

府城東二十五里地名陵里陵曰萬安 淳泥國王墓石子岡王本朝所封永樂

中來朝卒葬此

鳳陽府

虞姬墓定遠縣南六十里俗稱嗟虞墩又靈璧縣東五十三里亦有墓相傳靈璧葬其身

此葬其首

蘇州府

泰伯塚梅里常熟界仲雍塚虞山東閭閻塚虎丘山下銅棺三周水銀爲池金銀

爲地專諸魚腸之劍殉此 夫差塚陽山越絕書越王棲夫差于秦餘杭山卒因葬焉孫

堅墓府城南三里鶴市吳王女自殺葬此

常州府

泰伯墓無錫縣北三十九里季札墓江陰申浦南距武進縣七十里孔子題其碑曰鳴

呼有吳延陵季子之墓吳王子墓江陰縣之繖堆舊記吳王闔閭第八子葬此今呼繖湖

鎮江府

吳陵丹陽縣西十五里孫堅擊劉表于峴山被射死還葬曲阿子權稱帝追諡武烈皇帝

泰安陵丹陽縣北二十五里葬齊高帝**景安陵**丹陽縣東三十一里葬齊武帝**興安**

陵丹陽縣東一十四里葬齊明帝**建陵**丹陽縣東北二十五里葬梁武帝父蕭順之武帝

即位追尊爲文帝**脩陵**丹陽縣東三十二里葬梁武帝唐貞觀中詔禁樵採**莊陵**丹陽縣

東二十七里葬梁簡文帝有石獸高丈餘郡志齊梁諸陵皆在金生山巨隸西陵口有大石麒麟

辟邪夾道**荆王墓**府治後漢初高帝封其從兄子賈爲荆王建國于此**孫策墓**府

城南弟權追諡長沙桓王

揚州府

盤古塚府城西四十里塚上有廟**煬帝塚**府城北雷塘帝每携宮人游此往往耕出寶

斂隋陳稜爲江都守求得帝柩略備儀衛葬此**玉鈞斜**江都治西煬帝葬宮人處

廬州府

羨頡侯墓舒城漢高帝從子劉信又云在滁州境

太平府

吳景帝陵府城東二十五里權第六子名休**齊和帝陵**府城北黃山明帝第八子禪

位于梁世傳嶽廟行宮之基卽其陵也

池州府

昭明太子墓府城西秀山上梁武帝子名統

徐州府

微子墓沛縣微山上

山西

太原府

魏拓跋陵代州鴈門晉高祖陵交城縣西北六十里晉石敬瑭唐叔虞墓太原

縣西南嶺上周成王母弟俗號晉公墓晉侯墓太原縣東南晉侯燮父趙襄子墓定襄唐晉王墓忻州晉王李克用也金時盜發之郡守夢王告云墓中有酒盜飲之唇皆黑可驗捕明日獲盜寺僧居半克用養子李存孝墓太原縣西風谷口存進墓縣東北鄭村

平陽府

媯皇陵趙城縣東八里虞舜陵安邑成湯陵榮河縣北四十里元癸未歲淪于河

周厲王陵霍州東北厲王出奔錡而崩因葬此姜姬墓聞喜縣西北四十里有廟后

穆母夷齊墓首陽山晉文公墓絳縣東北二十里文公卒將殯于曲沃出絳有聲如

牛鳴今祠在蒲縣南翠屏山晉厲公墓翼城縣東南十六里趙簡子墓趙城縣東北

三里

大同府

魏永固陵

方山顛有雙陵按北史魏孝文帝母馮太后與帝游方山有終焉之意孝文乃

營壽陵于此并建永固石室趙武靈王墓靈丘縣東三十里王昭君墓古豐州西

六十里北地多白草此塚獨青

汾州府

魏文侯墓

孝義縣西五里

遼州府

石勒墓

榆社縣北二十五里趙王村舊有祠在墓南半里又澤州陵川縣西北亦有遺塚

上有塔

山東

濟南府

太甲陵府城南平陵王墓章丘縣東北二十里危山上漢諸王蘇祿國王墓德

州北永樂中來朝葬此諡恭定

兗州府

女媧陵

濟寧州東南三十里軒轅壽陵曲阜縣東北二里黃帝軒轅氏葬此名壽丘

金始改爲壽陵少昊陵軒轅陵東堯陵東平州東北三十里湯陵曹縣放太甲處魯

公墓

曲阜縣東八里脩壟蔓延不絕皆魯諸公所葬其西葬伯禽其南葬文公子血嘗君

墓

滕縣南五十里

項羽墓

東阿縣東南十一里漢高帝既滅楚項羽持其首以示魯魯服

遂以魯公禮葬羽于此俗呼爲霸冢魯諸王墓曲阜縣南八里漢時魯諸王大墓四十餘

其南一里許葬共王其他多不知名**梁孝王墓**梁山北漢文帝第二子因出獵至此薨遂

葬焉**東平憲王墓**

東平州北峴山上光武第八子名蒼**瑯琊王墓**沂州境內葬魯

宗室子仙

東昌府

高陽氏陵

府城西北二十里**衛靈公墓**觀城縣東南四十二里

青州府

太公冢

臨淄縣南十里太公葬于周齊人思其德葬衣冠**桓公冢**臨淄縣淄水南太公

冢之北**四王墓**鼎足山齊記補遺方基圓冢東西直列乃齊威宣閔襄四王墓

登州府

齊康公墓

之罘山田和墓齊遷公海濱葬此

遼東都指揮使司

遼太祖陵

木葉山

顯陵

醫巫閭山葬遼東丹人皇王突欲并蕭太后世宗以人皇王愛

醫巫閭山水奇秀因葬焉山形捲抱六重于其中作殿宏麗**乾陵**醫巫閭山上葬遼景宗舊

有凝神殿

河南

開封府

伏羲氏陵

陳州北三里

夏太康陵

少康陵

俱太康縣西

商高宗陵

商水

縣長平鄉

周平王陵

一名平丘太康縣金堆鄉

漢高祖陵

鈞州西隱帝陵鈞州

玉橋里俱五代漢

周太祖陵

新鄭縣西韓堡

世宗慶陵

鄭州西曹保陳胡公墓

陳州北城濠水嘗啗其趾見有鐵錮之俗謂之鐵墓胡公舜之後周所封

陳靈公墓

縣西二里

陳懷公墓

商水縣西二十里

信陵君墓

府城東南

歸德府

帝嚳陵

府城東南四十五里

閼伯墓

府城西南高辛子

微子墓

府城西南

公墓

睢州東一名古襄陵

彰德府

曹操疑塚

磁州凡七十二處

衛輝府

魏襄王墓

府城西南二十七里漢初有人盜此冢得竹簡世號汲冢周書呂尙墓府

城西北自齊還葬于此晉盧無忌碑尙存

懷慶府

禪陵脩武縣北葬漢獻帝以禪位故名

河南府

女媧陵閩鄉縣河側唐天寶末失其所在乾元初復湧出女媧伏羲氏妹孔甲陵永寧

縣東北三嶠山孔甲夏王成湯陵偃師縣東北山上周昭王陵登封縣少室山陽城

西谷桓王陵滎池縣北桓王山上靈王陵府城西南西周山上景王陵府城西北

隅威烈王陵府城東北隅漢光武原陵孟津縣西明帝顯節陵章帝

敬陵和帝慎陵恭帝恭陵四陵俱府城東南順帝順陵府城東北

冲帝懷陵質帝靜陵二陵俱府城東南桓帝宣陵靈帝文陵二陵

俱府城東北魏文帝首陽陵滎池縣首陽山南明帝高平陵孟津縣舊河清城界

晉景帝陵孟津縣東南武帝浚陽陵洛陽縣隋煬帝陵永寧縣東北煬帝崩于

江都唐太宗遷葬於此唐中宗陵偃師縣東昭宗和陵偃師縣南梁太祖極

陵府城東南史稱宣陵後唐莊宗陵新安縣明宗徽陵府城東北晉高祖顯

陵宜陽縣後漢高祖睿陵登封縣東南宋永安陵宋太祖父昭武皇帝太祖

永昌陵太宗永熙陵眞宗永定陵仁宗永昭陵英宗

永厚陵神宗永裕陵哲宗永泰陵八陵俱鞏縣西南伯夷叔齊

墓 偃師縣首陽山武王滅商夷齊隱此餓死或云今蒲州首陽山乃夷齊隱處 **韓昭侯墓** 宜陽縣西周顯王時諸侯 **田橫墓** 偃師縣西漢招橫至此自殺葬以王禮

南陽府

丹朱冢 內鄉縣廢淅川縣西北七里 **魏陵** 汝州東南大龍山顛魏元氏所葬 **魏悼園** 汝州西北牛脾山宋秦王廷美之墓附兆二十餘 **葉公墓** 葉縣南三十里葬沈諸梁

汝寧府

申伯塚 信陽縣境謝城卽申伯封邑

陝西

西安府

華胥氏陵 藍田縣西三十里 **尊盧氏塚** 藍田縣山之西尊盧氏庖犧氏之後 **帝嚳**

陵 郃陽縣東四十里帝嚳商辛氏 **周文王陵** **武王陵** **成王陵** **康王**

陵 四陵俱在咸陽縣北十五里 **穆王陵** 府城西南二十五里 **幽王陵** 臨潼縣東北二

十五里 **秦始皇陵** 驪山下陵內城周五里外城周十二里項羽黃巢皆發此一云始皇葬

山之中此虛冢耳 **漢萬年陵** 臨潼縣東北七十五里其陵東葬太上皇西葬昭靈后 **高**

祖長陵 咸陽縣東三十五里徙關東萬家於此置陵邑呂后陵在其東又有戚夫人及趙

王如意墓在櫟陽故城 **惠帝安陵** 近長陵舊有安陵故城及廟張敖塚在其東 **文帝**

霸陵 府城東三十五里因山爲墳有廟卽顧成廟舊址其母薄太后陵亦近焉 **景帝陽**

陵 高陵縣西南三十里東有王后陵其廢太子臨江王墓在藍田縣葬時有數萬燕嚙土置

塚上世名燕子塚 **武帝茂陵** 興平縣東北十七里舊有廟陵西北有李夫人墓又衛后

園在千人聚 **昭帝平陵** 咸陽縣東北十三里其母趙太后雲陵在甘泉山 **宣帝杜陵**

府城東南十五里樂游原有廟許后陵亦在焉 **元帝渭陵** 咸陽縣東北十二里陵西百步

有元后陵 **成帝延陵** 咸陽縣西北十五里初帝起延陵已成言者以不便更造昌陵不果

復徙于此 **哀帝義陵** 咸陽縣西八里漢諸陵置邑者七惟長陵茂陵萬餘戶餘各五千戶

渭延義三陵不復置邑 **平帝康陵** 咸陽縣西二十五里 **西魏武帝陵** **文帝**

陵 俱在富平縣東三十里 **後周武帝成陵** 富平縣北十五里舊有廟 **隋文帝泰**

寧陵 武功縣西南二十里三時原 **唐永康陵** 三原縣西北十八里葬高大父景皇帝

高祖獻陵 三原縣東十八里有廟陪葬諸王十六公主一功臣六 **太宗昭陵** 醴泉

縣九峻山有廟陪葬諸王七公主二十一妃嬪八 **高宗乾陵** 乾州西北五里梁山與武

后合葬太子二諸王三公主一 **中宗定陵** 富平縣西北十五里龍泉山陪葬太子一公主

五睿宗橋陵 蒲城縣豐山陪葬太子三公主三 **讓帝惠陵** 蒲城縣北十五里讓帝立

宗兄寧王憲也薨尊爲帝陪葬諸王三公主三 **立宗泰陵** 蒲城縣金粟山其武皇后陵在

咸寧縣東四十里 **肅宗建陵** 乾州武將山陪葬功臣郭子儀代宗 **元陵** 富平縣西北

二十五里檀山**德宗崇陵**涇陽縣嵯峨山**順宗豐陵**富平縣東北三十三里金甕山

憲宗景陵蒲城縣金甕山陪葬后妃二**穆宗光陵**蒲城縣克山陪葬后二**敬宗**

莊陵三原縣西北五里陪葬悼懷太子**文宗章陵**富平縣西北二十里天乳山陪葬楊

賢妃武宗端陵三原縣東十里陪葬王賢妃其母韋太后陵在咸寧縣**宣宗貞陵**

涇陽縣仲山**懿宗簡陵**富平縣西北四十里紫金山其母晁太后陵與韋太后陵近**僖**

宗靖陵乾州城東北十里其母王太后陵與晁太后陵近**姜嫄墓**邠州城東北十里后

稷母公劉墓邠州城東六十里**王季墓**鄠縣西漢陂村**周公旦墓**咸陽縣北十

五里**太公望墓**咸陽縣東北十五里**鄭桓公墓**華州城西三里名友周宣王庶弟

杜伯墓長安下杜城東南周成王滅唐遷之杜**秦莊襄王墓**舊長安通化門東二

里俗名尖冢**樗里子墓**漢長安城內秦惠王異母弟且死曰葬我必渭南章臺東後百

年當有天子宮夾我墓及漢興長樂宮在東未央宮在西**皇子陂**西安府城西南秦皇子

葬處**馬嵬坡**興平楊貴妃葬處

鳳翔府

周赧王塚隴州西北三十里**秦穆公墓**府城內東南隅橐泉宮祈年觀下

平涼府

密康公墓靈臺縣西五十里**扶蘇墓**府城東南四十里**劉表墓**鎮原晉永嘉中衛

熙發塚見表貌如生香聞數里不敢犯

鞏昌府

伏羲陵

秦州北四十里世傳三陽塞蝸牛堡有伏羲陵史記庖羲氏風姓母曰華胥履大

人跡于雷澤而生庖羲氏于成紀秦文公墓麥積山下秦嶺史記秦文公寧公皆葬于西山今隴西西縣蓋此地也

慶陽府

不窋墓

府城東三里碑久剝落上有片石大書周祖不窋氏陵后稷之子奔戎翟居此扶

蘇墓

寧州城西十五里又在延安府

延安府

橋陵

中部漢武帝臨祭橋山曰吾聞黃帝不死有塚何也或對曰帝乘龍昇天羣臣葬其衣

冠于此扶蘇墓

綏德扶蘇秦始皇太子監兵築長城始皇崩李斯趙高與胡亥詐爲始皇

書賜死于此

浙江

杭州府

吳王夫差墓

杭州舊志云吳王夫差墓在餘杭山太宰嚭亦葬其傍又吳越考謂吳王

走吳之秦餘杭山死而葬焉以爲墓在餘杭山者妄今考大明一統志亦收其墓於杭未知何